

**P R O G R A M   R A D A**  
**KOORDINACIONOG ODBORA CENTRALNIH HARMONIZACIJSKIH**  
**JEDINICA U BOSNI I HERCEGOVINI**  
**ZA 2018. GODINU**

**Januar 2018. godine**

## SADRŽAJ

1. UVOD.....	3
2. RAD KO CJH U 2017. GODINI .....	4
3. PROGRAM RADA KO CJH ZA 2018. GODINU.....	5
3.1. Aktivnosti KO CJH iz oblasti interne revizije.....	5
3.2. Aktivnosti KO CJH iz oblasti finansijskog upravljanja i kontrole .....	6
3.3. Aktivnosti u vezi sa implementacijom projekta IPA II.....	6
4. ODRŽAVANJE SJEDNICA KO CHJ U 2018. GODINI.....	7
5. PLAN AKTIVNOSTI KO CJH ZA 2018. GODINU .....	8

## 1. UVOD

Na osnovu čl. 2. stav (13) i 28. stav (2) Zakona o internoj reviziji institucija Bosne i Hercegovine ("Službeni glasnik BiH", broj: 27/08 i 32/12), člana 6. Zakona o internoj reviziji u javnom sektoru Federacije Bosne i Hercegovine ("Službene novine Federacije BiH", broj: 47/08 i 101/16) i člana 6. Odluke Narodne skupštine Republike Srpske, broj: 01-1012/10 ("Službeni glasnik RS", broj: 72/10) uspostavljen je Koordinacioni odbor centralnih jedinica za harmonizaciju (u daljem tekstu: KO CJH).

KO CJH čine tri člana:

- a) Rukovodilac CJH Ministarstva finansija i trezora BiH,
- b) Rukovodilac CHJ Federalnog ministarstva finansija i
- c) Rukovodilac CJH Ministarstva finansija Republike Srpske.

Poslovníkom o radu KO CJH (u daljem tekstu: Poslovník o radu), koji je usvojen na sjednici KO CJH održanoj u Banjoj Luci, 24.01.2011. godine, bliže su uređene nadležnosti, funkcioniranje i organizacija KO CJH.

KO CJH je osnovan sa zadatkom odobravanja okvirnih propisa iz područja javne interne finansijske kontrole, sa ciljem njihovog usaglašavanja sa međunarodno priznatim principima upravljanja i standardima javne interne finansijske kontrole na nivou cijele BiH, koji će služiti kao polazna osnova svakog nivoa vlasti u izradi i usvajanju njihovih vlastitih propisa iz područja javne interne finansijske kontrole.

U ostvarivanju svojih ovlaštenja i odgovornosti iz područja javne interne finansijske kontrole, KO CJH odobrava:

- a) okvirnu strategiju razvoja funkcije interne revizije u javnom sektoru BiH,
- b) okvire primarne i sekundarne regulative iz područja interne revizije i finansijskog upravljanja i kontrole,
- c) standarde i kodeks etike interne revizije i interne kontrole, koji su zasnovani na međunarodno priznatim standardima,
- d) okvirne smjernice i metodologiju rada za područje interne revizije, koje su zasnovane na dobrim praksama drugih zemalja,
- e) okvirni program obuke za certifikaciju internih revizora i program za polaganje u cilju sticanja zvanja ovlaštenog internog revizora.

## 2. RAD KO CJH U 2017. GODINI

KO CJH je nastavio sa radom tokom 2017. godine, te je zaključno sa decembrom 2017. godine održano ukupno 9 redovnih sjednica i 1 vanredna sjednica.

KO CJH je usvojio Programa rada za 2018. godinu i donio Odluku o budžetu KO CJH za 2018. godinu.

Na održanim sjednicama KO CJH tokom 2017. godine intenzivno je razmatrano pitanje primjene revidiranih Međunarodnih standarda za profesionalnu praksu interne revizije (u daljem tekstu: Standardi) na poslove interne revizije u javnom sektoru institucija BiH, FBiH i RS, jer su isti ažurirani tokom 2016. godine i u zvaničnoj su upotrebi od 01.01.2017. godine. Aktivnost je rezultirala usvajanjem Odluke o primjeni Standarda na poslove interne revizije u javnom sektoru institucija Bosne i Hercegovine, Federacije Bosne i Hercegovine i Republike Srpske.

Nadalje, KO CJH je postigao dogovor sa Institutom za interne revizore u BiH, koji je punopravna članica Međunarodnog intituta internih revizora (IIA), o učešću u sufinansiranju štampanja Standarda u količinama potrebnim za zaposlene interne revizore u javnom sektoru institucija BiH, Federacije BiH i Republike Srpske.

Značajna novina u odnosu na prethodni period rada KO CJH, koja je proistekla iz planiranih aktivnosti iz Programa rada KO CJH za 2017. godinu, je organizacija konferencija za zaposlene u javnom sektoru sva tri nivoa vlasti u BiH (BiH, FBiH i RS). KO CJH je organizovao i održao dvije konferencije u 2017. godini. Prva konferencije se odnosila na oblast interne revizije u javnom sektoru BiH a druga na oblast finansijskog upravljanja i kontrole u javnom sektoru Bosne i Hercegovine.

Nadalje, nakon usaglašavanja i odobravanja Projektnog zadatka između članova KO CJH i Evropske delegacije u BiH, u junu 2017. godine započet je proces odabira ponuđača za predstojeći projekat „Unapređenje PIFC-a“, koji nije okončan do kraja 2017. godine. Naime, uz raniju podršku Evropske komisije implementirana su dva projekta : „Podrška uvođenju unutrašnje finansijske kontrole u institucijama javnog sektora u Bosni i Hercegovini“, (2010–2012.) i „Jačanje upravljanja javnim finansijama u Bosni i Hercegovini“, (2012–2015.), te bi, s tim u vezi, aktuelni projekat trebao biti logičan nastavak dosadašnjih reformi upravljanja javnim finansijama.

Održane sjednice KO CJH su imale poseban značaj u smislu dragocjene razmjene informacija, dobrih praksi i aktuelne problematike sa kojom se svaka od tri CHJ suočava u praksi. Članovi KO CJH su također prisustvovali sastancima radnih grupa na poziv Regionalne škole za javnu upravu (ReSPA) gdje su na istim prisustvovali i rukovodioci CJH iz Srbije, Crne Gore, Makedonije, Kosova i Albanije te se imala prilika za diskusiju o najboljim rješenjima koja su primjenjiva u praksi.

### 3. PROGRAM RADA KO CJH ZA 2018. GODINU

Donošenje godišnjeg programa rada propisano je članom 4. Poslovnika o radu KO CJH s ciljem efikasnog i odgovornog ostvarivanja svojih nadležnosti. Program rada sadrži najznačajnije aktivnosti i zadatke koje KO CJH realizuje tokom godine.

Program rada KO CJH za 2018. godinu planira se i provodi u skladu sa važećim propisima iz oblasti javnih internih finansijskih kontrola na svim nivoima vlasti (BiH, FBiH i RS), kao i u skladu sa strateškim dokumentima i akcionim planovima u kojima su utvrđene aktivnosti i prioriteti centralnih harmonizacionih jedinica vezani za njihovu operativnu realizaciju. Takođe, programom rada planira se unapređenje i harmonizacija sistema upravljačke odgovornosti i sistema unutrašnjih kontrola u skladu sa preporukama Generalne direkcije za budžet EK i SIGMA-e.

S obzirom da je u 2018. godini planirana realizacija projekta podrške uvođenju i razvoju PIFC-a, koji finansira Evropska komisija putem programa IPA II, a da je KO CJH usaglasio projektni zadatak za realizaciju ovog projekta, značajan dio aktivnosti KO CJH u 2018. godini biće vezan upravo za aktivnosti planirane u projektu.

Shodno navedenom, u skladu sa datim nadležnostima, KO CHJ u 2018. godini planira realizaciju sljedećih aktivnosti:

#### 3.1. Aktivnosti KO CJH iz oblasti interne revizije

Aktivnosti koje KO CJH planira provoditi u 2018. godini iz oblasti interne revizije proističu iz važećih zakonskih i podzakonskih propisa u oblasti interne revizije u javnom sektoru i Poslovnika o radu KO CJH.

Aktivnosti KO CJH iz oblasti interne revizije u 2018. godine će se fokusirati na sledeće:

- Donošenje odluke o okvirnim smjernicama za inoviranje metodologije rada za oblast interne revizije;
- Analiza provođenja programa okvirne sertifikacija internih revizora u BiH;
- Priprema odluka o izradi okvirnih dokumenata iz oblasti kontrole kvaliteta interne revizije;
- Priprema kriterijuma za izradu dokumenata iz oblasti unaprijeđenja sistema izvještavanja o internoj reviziji;

- Organizacija edukacije internih revizora organizovanjem konferencije uz podršku multilateralnih i bilateralnih donator;
- Priprema podloga za donošenje okvirnog sadržaja strateških dokumenata iz oblasti interne revizije kao sastavnog dijela strateških dokumenata PIFC-a za period 2019-2024.

### **3.2. Aktivnosti KO CJH iz oblasti finansijskog upravljanja i kontrole**

Aktivnosti KO CJH iz oblasti finansijskog upravljanja i kontrole u 2018. godine će se fokusirati na sledeće:

- Analiza prijedloga i preporuka Generalne direkcije za budžet EK I SIGMA-e u vezi sa harmonizacijom i unapređenjem upravljačke odgovornosti i sistema unutrašnjih kontrola u BiH;
- Priprema odluka o okvirnim dokumentima iz oblasti kontrole kvaliteta finansijskog upravljanja i kontrole;
- Priprema dokumenata iz oblasti unapređenja sistema izvještavanja iz oblasti finansijskog upravljanja i kontrole;
- Organizacija edukacije iz oblasti finansijskog upravljanja i kontrole organizovanjem konferencije uz podršku multilateralnih i bilateralnih donator;
- Priprema podloga za donošenje okvirnog sadržaja strateških dokumenata iz oblasti finansijskog upravljanja i kontrole kao sastavnog dijela strateških dokumenata PIFC-a za period 2019-2024.

### **3.3. Aktivnosti u vezi sa implementacijom projekta IPA II**

Kao što je već prethodno rečeno, u 2018. godini očekuje se početak implementacije trećeg po redu projekta tehničke podrške koji se finansira iz IPA sredstava. Navedeni projekat će se na taj način nadovezati na realizovanu raniju podršku Evropske komisije koja je usmjerena na osnaživanje finansijskog upravljanja u javnom sektoru u BiH („Podrška uvođenju unutrašnje finansijske kontrole u institucijama javnog sektora u Bosni i Hercegovini“, 2010–2012 i „Jačanje upravljanja javnim finansijama u Bosni i Hercegovini“, 2012–2015.).

Kako je već napomenuto, KO CJH je zajednički učestvovao u razradi projektnog zadatka, poseban akcenat stavljajući na preciziranje stvarnih potreba CHJ i zahtjeva prakse. Iz tog razloga, planirane projektne aktivnosti bi trebale ostvariti dodatni kvalitet u odnosu na one iz prethodnih projekata.

Redovne sjednice KO CJH omogućit će rukovodiocima tri CHJ pravovremenu razmjenu svih informacija vezanih za realizaciju projektnih aktivnosti i na taj način doprinijeti ostvarivanju boljih rezultata koji će proizaći iz navedene projektne implementacije.

Shodno tome, aktivnosti u vezi sa implementacijom projekta IPA II ogledat će se u pojačanoj saradnji KO CJH, kvalitetnijom protoku informacija i zajedničkom učešću u implementaciji planiranih projektnih aktivnosti, sa ciljem da se projekat provede u punom kapacitetu i da se zadovolje potrebe centralnih harmonizacijskih jedinica, iskazane u zajednički sačinjenom projektnom zadatku.

#### 4. ODRŽAVANJE SJEDNICA KO CHJ U 2018. GODINI

U skladu sa članom 8. st. (1) i (4) Poslovnika o radu, sjednice KO CHJ će se održavati najmanje jednom mjesečno, naizmjenično, dvije u Sarajevu i jedna u Banjaluci.

Planirani termini održavanja sjednica KO CJH, za period januar – decembar 2018:

REDNI BROJ SJEDNICE	DATUM ODRŽAVANJA SJEDNICE	MJESTO ODRŽAVANJA SJEDNICE
1.	Januar 2018.	Banja Luka
2.	Februar 2018.	Sarajevo
3.	Mart 2018.	Sarajevo
4.	April 2018.	Banja Luka
5.	Maj 2018.	Sarajevo
6.	Juni 2018.	Sarajevo
7.	Juli 2018.	Banja Luka
8.	Avgust 2018.	Sarajevo
9.	Septembar 2018.	Sarajevo
10.	Oktobar 2018.	Banja Luka
11.	Novembar 2018.	Sarajevo
12.	Decembar 2018.	Sarajevo

## 5. PLAN AKTIVNOSTI KO CJH ZA 2018. GODINU

Pregled aktivnosti, nosilaca i okvirnih rokova realizacije proizašlih iz Programa rada KO CJH za 2018. godinu dat je u sljedećoj tabeli:

REDNI BR.	NAZIV AKTIVNOSTI	NOSILAC AKTIVNOSTI	OKVIRNI ROK ZA REALIZACIJU
1.	Okvirne smjernice za inoviranje metodologije rada za oblast interne revizije	KO CJH	31.03.2018.
2.	Organizovanje konferencije iz oblasti interne revizije	KO CJH	30.04.2018.
3.	Analiza provođenja programa okvirne certifikacije internih revizora	KO CJH	30.06.2018.
4.	Priprema podloga za donošenje okvirnog sadržaja strateških dokumenata iz oblasti interne revizije	KO CJH	30.06.2018.
5.	Priprema podloga za donošenje okvirnog sadržaja strateških dokumenata iz oblasti FUK-a	KO CJH	30.06.2018.
6.	Okvirno usaglašavanje iz oblasti kontrole kvaliteta interne revizije	KO CJH	30.09.2018.
7.	Okvirno usaglašavanje iz oblasti kontrole kvaliteta FUK-a	KO CJH	30.09.2018.
8.	Organizovanje konferencije iz oblasti finansijskog upravljanja i kontrole	KO CJH	30.11.2018.
9.	Kriterijumi za izradu dokumenata iz oblasti unapređenja sistema izvještavanja o internoj reviziji	KO CJH	31.12.2018.
10.	Priprema dokumenata iz oblasti unapređenja sistema izvještavanja iz oblasti FUK-a	KO CJH	31.12.2018.
11.	Učešće u realizaciji projektnih aktivnosti-IPA II	KO CJH	Kontinuirano
12.	Usaglašavanje sa preporukama Generalne direkcije za budžet	KO CJH	Kontinuirano



PROGRAM RADA KO CJH ZA 2018. GODINU

---

	EK i SIGMA-e		
--	--------------	--	--

Broj: KO-15/2017

25.01.2018. godine

PREDSJEDAVAJUĆI KO CJH

Dragoljub Nakić

